

楚江南清嶽巒北嶺
春竹盡碧繁華亂啼
簾筍衝晴煙柳風到袂
於多堂見其人不知心之
何以釋之



王夫之年譜

年譜叢刊

王夫之年譜

〔清〕王之春撰
汪茂和點校

中華書局

責任編輯：胡宜柔

王夫之年譜

WANGFUZHI NIANPU

〔清〕王之春 撰

汪茂和 點校

*

中華書局出版

（北京王府井大街 36 號）

新華書店北京發行所發行

北京新興膠印廠印刷

*

850×1168毫米1/32·63/4印張·107千字

1989年4月第1版 1989年4月北京第1次印刷

印數1—1600册 定價：2.85元

ISBN 7—101—00467—9/Z·52

序

昔太史公采輯羣書，爲孔子世家，比事屬詞，窮原竟委，俾後之學者，讀孔子書復讀世家，稽其年齒，考其行事，曉然於孔子之本末，而備悉其爲人。雖以閱世過多，搜采舊聞，間容失審，然七十三年中，闕疑存信，於孔子之德行、道藝、出處、進退，未嘗不多所發明也。世家之輯，曷可少哉！

吾宗船山公，以前明崇禎壬午舉於鄉。值寇亂日亟，道梗，不得赴會試。張獻忠陷衡州，公匿南嶽蓮花峰下。寇獲公父武夷公質，招公爲僞吏。公自殘支體，傅毒藥，昇往易父。既皆獲免，復匿南嶽山後黑沙潭。意倚鈎索相尋，即致命遂志。未幾，明思陵殉國，桂王建號肇慶。公結管公嗣裘，起義兵，圖恢復。遽見潰敗，尋遣鄉里之難，一再赴粵，授行人職。以疏救「五虎」，幾陷不測。時粵政日非，殘明如線，公知事不可爲，乃過返衡陽。自是一意著述，或與及門諸子講學，或與二三遺老游覽吟詠。三十年間，居敗葉廬及觀生居者十有四年，居湘西草堂者十有六年。嘗再至洞庭，一至江西，不久旋返。平日蹤跡所至，湘鄉爲多，餘則邵之間而已。吳逆三桂之變，人心煽惑。有以勸進表屬者，公巽詞以

謝，逃入深山。越十一年，直隸鄭公端巡撫偏沅，風聞其事，飭衡州府知府崔公鳴鸞餽粟帛，請見。公卻帛，受粟，以衰病辭。臨終遺命墓碑書「明遺臣」，蓋公忠於勝國之心，七十餘年猶一日也。

公生平所學，遂於張子正蒙及近思錄，演爲思問錄內、外二編，以上契乎孔子。故於周易、詩、書、春秋、禮記，多發前人所未及。於四子書，詮解尤極精詳。更肆力於老、莊、呂氏、淮南諸子，與夫屈、宋楚詞，爲之註釋。漢、魏以下，遞及陳、隋，於文、詩均有評選。唐詩則於李、杜加詳。晚年所著史論，於累朝治亂興亡得失之故，反復推究，洞澈無遺。

凡所著書百餘種，沒後散在門人故舊家，悉不傳。越十一年康熙壬午，宜興潘公宗洛提學湖廣，公仲子啟游其門，乙酉，撰具行述，抱家藏思問錄、正蒙注、莊子解、楚詞通釋諸書，呈乞作傳，始稍稍章矣。洎啟公年踰六十，從遊之有志及姻友之有力者，捐刊公書數種，其後增至十餘種，坊肆乃有傳本。乾隆三十八年，詔開四庫書館搜訪遺書，公著周易稗疏、周易考異、書經稗疏、書經引義、詩經稗疏、詩經考異、叶韻辨、春秋稗疏、春秋家說，均蒙欽定收入四庫，並詔史館列傳儒林，公之學於是益昌。公之見褒聖朝，固願不及此也。

嗣後遺書日出，道光間，公六世孫世佺哀藏於家，之春本支從父世全公謀刊百五十卷於湘潭，新化鄧先生顯鶴主其事，湘潭歐陽先生兆熊實贊成之。咸豐四年，板燬於兵。同治初

中引用的王夫之著作文字有錯訛者，參校船山遺書（太平洋書店一九三五年再版本）加以補正。底本中明顯的文字錯舛逕予改正；有必要說明者，則簡註于頁末。原書凡例中提到：「原犯國朝（按指清朝）廟諱之字，遵用恭代，並加□以資質識。」這是指：「元」代「玄」，「允」代「胤」，「宏」代「弘」，「歷」代「曆」，「淳」代「淳」。現不加方框，這些字也不再改回。又，年譜正文每年開首處干支紀年，現括註公曆，以便讀者。

原書編首及編末收錄傳記、書序、著述目錄多種，全書編排次序如下（原書無目）：

國史儒林傳

國史傳稿

國史凡例

序（王之春）

行述（王啟，原註：「據家譜本」）

彭剛直公奏請改建船山書院片

凡例

家譜世系表

先船山公年譜前編

船山公年譜後編

序（曾國藩，原註：「原題船山遺書序」）

傳（潘宗洛，「家譜原題船山先生傳」）

附錄

傳（余廷燦）

學案（唐鑑）

船山著述目錄（鄧顯鶴）

原書所收錄各篇今均予保留，唯依通行體例略更次第。除列序、凡例、族譜世系表於卷首外，其餘皆入附錄，分爲二類：一、傳記；二、學術和其他。傳記部分又新輯入幾篇，各篇之末皆註明出處，以區別於原書所輯者。

汪茂和

一九八五年十月

點校說明

王夫之年譜，原名船山公年譜，清王之春撰。

王船山（一六一九——一六九二），名夫之，字而農，別號薑齋、一瓢道人等，湖南衡陽人。晚年居衡陽之石船山，學者稱船山先生。明崇禎十五年（一六四二）舉人，曾任南明桂王行人司行人。入清不仕，隱居著述四十年以終。凡著書四百餘卷，八百餘萬言，淹貫經史，博通羣籍，爲我國古代最傑出的思想家、哲學家之一。

清初學者如北方的孫奇逢、李顥，南方的黃宗羲、顧炎武，雖也一再拒絕清廷的徵聘，然而由于公卿交口稱揚，天子極力獎譽，所以其志易白，其書易行，其高行邃學當世已爲人所熟知。獨船山避居窮山僻鄉數十年，聲影不出林莽，門人故舊又無一有力者爲之推挽，故而當時知之者尠。歿后十四年，遺書散佚，其子啟始爲之收輯，並撰行述，上於督學潘宗洛，因此得上史館，列傳儒林。道光間，湖南新化人鄧顯鶴（一七七七——一八五二）最早系統整理、匯刻船山遺著，於是船山之學始彰。其後遺書又經增刻，至清季民初，乃名滿天下。

王夫之的這種特殊身世境遇，使其生平行事多難考知，也爲年譜之作造成了困難。同治四年（一八六五），儀徵劉毓崧始編成王船山先生年譜二卷，於船山家事、仕歷、詩文編年，大體略備。然其時未見之書（如龍源夜話）尚多，罣漏訛舛亦復不少。光緒十八年（一八九二），船山八世從孫、湖北布政使王之春復撰成船山公年譜前後編，據世傳並新刊船山各種詩文、專著，以及族譜、縣志和其他書籍所載，以正劉譜之譌而補其闕，考正增益之處實多。其凡例云：「是編全據公集及家譜等書哀輯而成，逐條引注，倍期詳審，不厭複煩。非欲突過前賢，實冀傳信後學。」在各種船山年譜中，此譜不失爲一部比較完備之作。

王之春（一八四二——？），字爵棠，湖南清泉（今衡陽）人。光緒十四年（一八八八）由廣東糧道遷浙江、廣東按察使，十六年（一八九〇）遷湖北布政使。二十三年（一八九七）改四川布政使，參與鎮壓余棟臣起義。二十五年（一八九九）遷山西巡撫，尋改皖撫。二十八年（一九〇二）轉廣西巡撫，因主張出讓廣西礦產權利以向法國借款鎮壓廣西人民起義，激起國內拒法運動，次年被革職。曾游日、使俄。著作有國朝柔遠記（後改名通商始末記），使俄草、瀛海卮言等。

王之春撰船山公年譜有光緒十九年（一八九三）鄂藩使署刊本。原刻板今仍存於衡陽市博物館，一九七四年該館曾據原板重印一次。本書即以重印本爲底本進行點校。年譜

元，曾文正公國藩與忠襄公國荃合謀重刻於金陵，增益百七十二卷，公書於是粗備。然合之未刻、未見，已著錄者僅八十八種，其佚名者尚數十種也。

今公書已遍海內，而事跡散失，傳聞異詞。不有年譜，其何以原始察終也。之春十四世祖統公，與公七世祖綱公爲同懷兄弟，別居衡陽泉溪市。乾隆三年，析衡陽東南二鄉置清泉縣，故之春世爲清泉人。之春於公，在支系，不容膜視，視尋常族姓與凡百後學，自逾涯量。藩鄂以來，就公文、詩集中，取其注有年分及事實可按者，證以行述、潘公宗洛撰傳，與乎族譜、省志諸書，謹用比次爲年譜前、後編，亟付棗梨，持以問世。雖於龍門筆法非所敢擬，庶乎傳信後世，亦仁明所不廢也。爰揭顛末，與世之讀公書者質焉。

時光緒十八年壬辰冬月，八世從孫王之春序於鄂藩使署。

凡例

一、公舊有年譜，係儀徵劉毓崧編。其間詳畧互見，望漏訛舛，如己丑二月服闋、辛卯僑寓祁陽、丙申暫往興甯之類，未爲完本。是編全據公集及家譜等書裒輯而成，逐條引注，倍期詳審，不厭複煩。非欲突過前賢，實冀傳信後學。

一、公既爲前明遺臣，又爲國朝貞士，故析桂王未執以前爲前編，桂王既執以後爲後編。

一、公宦事明藩桂王，義不再仕。是編於順治紀年，以桂王尚存，皆冠「國朝」二字，既連注桂王年號，復逐年詳紀所在，以明公戀戀舊君故國之心。迨桂王被執，公入國朝，僅一冠於康熙元年，以後悉仿綱目體例。並將萬歷、天啟、崇禎，逐年紀元書號，以志區別。

一、紀桂王事蹟，全遵御批通鑑輯覽，故與永歷實錄多有不符。其有輯覽未載者，仍依永歷實錄。

一、原犯國朝廟諱之字，遵用恭代，並加□以資質識。

一、公書「常」作「嘗」，「由」作「繇」，原避明諱，引用處皆仍其舊。惟「草堂」公書作「艸

堂」，家譜作「草堂」，則從家譜。

一、公著述未注年月與事迹稍涉疑似者，概不編入。

一、公平生戚友，其年輩較長及相若者，皆稱「某公某某」，其受業弟子，則稱「某先生某某」，有名者稱名，佚名則稱字。

一、逐年所作詩，雖經按時引注年終，仍錄全題以備查考。

家譜世系表

謹按：王氏系出太原，本姬姓之後。周靈王之子世所稱王子晉者，得道於緱山，子孫因以王爲氏。至離次子威而分，即哪，太原遂爲兩郡，實一祖也。至雁門太守昶而著。船山公薑齋文集章靈賦云：「居調軫以理誓兮，連權兆而哲夢。」自注云：「故必稱引初始，述祖考之肇啟者，以開其蒙昧。王之得姓自太原，世系綿衍。」又，黃書自序云：「太原之系，世胄綿也。吾宗自元至正以前，失譜不詳。其可徵攷者，元末有居江南揚州高郵州之打魚村者，明太祖起兵渡江，以從龍功，授千戶，稱驍騎公。」斷爲始祖。至船山公十一世，故虎止公行述稱「十一世祖」云云。始以武勳，繼以文德，式是先型，藐予小子，敬述其崖畧如左。

始祖驍騎公，諱仲一。江南高郵州人。明洪武間，以從渡江功，官山東青州左衛正千戶。

先世居高郵之打魚村，元至正以前，失譜不詳，斷自十一世祖驍騎公爲始。公兄弟或云九人，或云七人。羣

雄逐元，公兄弟亦起義兵會焉。或歿於軍中，惟公及弟仲二公、仲三公從明太祖渡江。公以功授山東青州左

衛正千戶，仲二、仲三公各累功襲長沙、衡州二衛指揮。章靈賦云：「皇濠、泗飛以試函兮，余祖御平揚

之士。自注云：「太祖始起濠、泗，公從揚州之高郵起兵應之。」又云公七十自訂稿敏姪五十詩云：「邗溝築戟插湘濱，驍騎雲仍到爾身。」又，示姪孫生蕃詩：「吾家自維揚來此，十三世。」又，薑齋文集耐園家訓跋云：「吾家自驍騎公從邗上來宅於衡，十四世矣。」又，公己酉哭殤孫用羅文毅公慰彭敷五喪子韻云：「邗江枝葉無多望。」又，虎止公感懷詩云：「吾宗發邗江，奮武勳最昭。」皆述高郵舊籍也。鄧湘皋先生顯鶴謂公先世爲江都人，蓋記憶偶誤耳。配馮宜人。

遷衡始祖昭武將軍上都尉公諱成。襲世職。永樂間，以從南下功，升衡州衛指揮僉事，晉同知，世襲。始遷於衡陽。都尉公從明成祖南下，以翼戴功最，升衡州衛指揮僉事，晉同知。家世節錄及虎止公行述並詳及之。公章靈賦云：「靖協勞於溇池兮，采赤麓以剖戶。」自注：「迨成祖靖難，又協贊成勞於溇池河。故剖萬戶之封，食采赤帝之麓。」儒林傳稿云：「公衡陽人。」注云：「提要誤刊以爲漢陽人，今改正。」配朱淑人。

第二世嗣都尉公，諱全。襲世職，配崔淑人。

第三世嗣都尉公，諱能。襲世職。以上皆終於官。成能以忠勤世其令緒。配劉淑人。生子二：長輕車公，次諱統。

第四世昭勇將軍上輕車都尉公，諱綱。襲世職。以功晉驃騎將軍上護軍，遷江西都指揮僉事，掌衛事。初，從都御史秦公金以平郴、韶賊，爲中路總統，拔賊砦，蕩平之。以功晉驃騎將軍上護

軍。詳皇明世法錄。累官江西都指揮僉事。時與太守古公，偕見直指使。古公自司馬郎出守郡，執舊屬，與公爭西上，公據祖制折之，曳落其裾。直指使以爲直。會同里劉黃公請於廷，修南嶽廟，部推公能。檄入川採木，歸督造廟，巋然帝制，崇麗爲五嶽之冠，所費不過五千金而已。事具商文毅碑記。官江西時，與藩臬會。藩使欲以文墨相難，連綴韻語。公應口和之，如夙讐。皆歎容焉。配崔夫人。

第五世祖驃騎將軍上護軍公，諱震。襲世職，累官鎮守柳慶參將。護軍公字東齋，掌衛事。戎

兵克詰，尤篤志經術。時莊定山先生昶謫官湖南，與講性命之旨。雲壇倡和，見定山集中。始，輕軍公所

與抗太守者，擢大司馬。護軍公以舍人襲職，過司馬門下。司馬愴然改容，歎曰：「汝父風采，今日若在人目中。虎父不生豚兒，好爲之！無憂不大用。」護軍公泣伏再拜而退。家世節錄云：「司馬體國用人，爭而不忤，

天下何得不晏然！顧非輕軍公之大節，實有以厭君子之心者，亦無以得此。驃騎公累官三品，家無餘貲。柳

慶居百蠻之衝，懷柔震疊，不侵不叛，其承堂構而報元老之知，亦有所自來也。累功遷昭武將軍上輕軍都尉，

歷柳慶參將，恩綏威鎮，峒蠻戢服，家世以武功顯。束修文教，則自護軍公始也。元配常恭人。生上護軍

公，諱翰，字直卿。爲定山門人，補郡文學。已乃拜世秩，累官都指揮使上輕軍都尉。次室鄭太君。卽一

山公母也。

公高祖處士公，諱甯。護軍公第四子，號一山。始以文學教子弟，起家儒素。配趙太君。

曾祖掌故公，諱雍。處士公長子諱亨，字順泉，郡文學。次掌故公，號靜峯。隆慶四年鄉貢，初授武岡州

學訓，遷江西南城縣學諭。明時，凡應貢者，每以獵得相競。掌故公屈餽滿，請讓於所授業師。學使義而許之，以是遲之間歲，始應貢。家世弁組，頗務豪盛。掌故公苦吟清微，不問家人業。或故詰公曰：「一石穀春幾許米？」曰：「一石米。」浮薄者笑焉，公亦不怒。其敦長者行類如此。配毛孺人。

祖少峯公，諱惟敬。掌故公生三子：長次峯公，諱惟恭〔一〕次少峯公，再次太素公，諱惟炳，補郡文學。家

世節錄云：「少峯公之始生也，掌故公夢有奇徵，故小字曰夢。公姿貌奇偉，長六尺，鬚髯疎秀，瞳光透出十步，伉爽尚大節，飲酒至一石不亂。歲時衣大褶，戴平定帽，坐起中句矩。或勸公曰：「君閱閱胄子郎君，又以儒名家，盍儒服乎？」輒笑不應。掌故公之卒，以貲讓太素公，隨散隨益之。終身不見一長吏，亦不襯裾於富貴之門。竟日口不道一里巷語，遇人有不可者，面斥無背言。而姻鄰敬愛，生平如一日。居家嚴整，晝不處於內，日昃入戶，彈指作聲，則室如無人焉者。課子每秉鐙對酒，真筆研座隅，令箸文藝，恒中夜不輟。牧石公偶戲簪一花，驀見之，作色曰：「此豈吾子弟耶！」故徵君公兄弟，終身不有華靡之飾。徵君公年既而立，聲望已著，每小失意，猶長跼踰時，以痛自謝過乃已，或時爲勞勉焉。年五十三，蚤卒。李大中承燾爲表其墓。

元配馮太孺人。無所出。繼配范太孺人。生三子：長徵君公，次牧石公，次子翼公，皆郡文學。牧石公諱廷聘，字蔚仲，性篤孝。少時小有過失，少峯公責譴門外，永夕下鑰。時當除夕，風雪淒迷，徵君公私從隙道掖令歸寢，牧石公引咎自責，必遵庭命。翌日元旦，少峯公方啟閉焚香，牧石公怡顏長跼。少峯公且

〔一〕「惟恭」，原誤作「惟敬」，依董齋文集家世節錄改。

喜且泣，稱其允爲道器。晚年雅意林泉，逍遙於下澗觀田、孤山種梅之下。築曳塗居，構小亭，題曰「濠上」。浚小池，蒔雜花其側，釀秫種蔬，供歲時之薦。少吟咏，晚而益工，惟不喜公安、竟陵體。生玉之，邑文學，以繼絕襲衡州衛指揮同知；釗之，早卒。子翼公儒而俠，不屑家人生業，裘馬壯遊，敦友睦，事徵君公如嚴公。生珍之。

父徵君公，諱朝聘。萬歷乙卯、辛酉兩中副榜。字逸生，一字修侯。少師事邑大儒伍學父先生定相。先生授徒始百人，徵君公爲領袖。雖望極羣籍制義，而究極天性物理，斟酌古今，務發抒心得之實。已，遊鄒泗山之門，承東廓之傳，以真知實踐爲學。謂武夷爲朱子會心之地，志遊焉，以顏書室。學者稱武夷先生。孝友天植，無間於族鄙之揚詡。少峯公嚴威，一笑不假。小不愜意，則長跽終日，顏不齟，不敢起。每燒燭獨酌，令隅坐吮筆作文字，中夜夔夔無怠色。晨昏間起居，凝立戶外，不敢踰楹限。傾耳聽警欬平善，愉色躡足而退立，以爲恒。少峯公中年遭暴疾，素剛果，厭人煦煦，雖自知不起，而不欲以環繞悲號處生死，屏人獨坐。既不獲侍左右，則匿壁間私候，泣血不敢發聲。及卒，抱持搶地，勺水不入口者三日。毀瘠骨立，成痲疾，迄耆耆不瘳。范太孺人有寒欬疾，按摩承涕唾，三十年如一日。永訣後，奉唾盂涎血而泣者數年。少峯公素不屑治家人產，及大故，囊不名一錢。徵君獨力經營，至哀所感。諸具轅合，蜀材、吳綿，隧甃、豐碣，盡誠信而無悔。范孺人之歿也，徵君公方授徒衡山。病革，報者至，薄暮借一馬馳歸，素清羸不困控馭，所借馬抑驚鈍，且哭且馳，馬忽驚，迅追風，三鼓已抵家。迨及屬纊，盡力以營大事，一如少峯公。稱